

Mensahe Apat

Ipinamumuhay ang Buhay ng isang Diyos-tao sa pamamagitan ng Pamumuhay sa Kaharian ng Diyos bilang Kinasasaklawan ng Dibinong Espesye

Babasahin sa Kasulatan: Marc. 1:15; Juan 3:3, 5-6; 1:12-13;
2 Ped. 1:4; 1 Juan 3:1

- I. Dahil tayo ay ipinanganak ng Diyos, tayo ay espesye ng Diyos; yaon ay, tayo ay Diyos sa buhay at sa kalikasan ngunit hindi sa pagka-Diyos—Juan 3:3, 5-8.**
- II. Ang mga Diyos-tao ay may dibinong karapatan na makilahok sa espesye ng Diyos—
bb. 3, 5-6; 18:36.**
- III. Bilang mga mananampalataya kay Kristo, ipinamumuhay natin ang buhay ng isang
Diyos-tao—Marc. 1:15; Juan 14:17b, 20; Roma 8:9a, 10; Gal. 5:25:**
 - A. Kay Kristo, ang Diyos ay naibuo tungo sa tao, ang tao ay naibuo tungo sa Diyos, at ang Diyos at tao ay pinagsama upang maging isang entidad, na tinatawag na Diyos-tao—Mat. 1:21, 23; Luc. 1:35; Tito 2:13; 1 Tim. 2:5.
 - B. Ang mga Diyos-tao, ang mga anak ng Diyos, ay ang duplikasyon at pagpapatuloy ni Kristo, ang unang Diyos-tao—Juan 12:24; Heb. 2:10; Roma 8:29.
 - C. Ang isang Diyos-tao ay isa na ipinanganak ng Diyos at bumabahagi sa buhay at kalikasan ng Diyos, nagiging kaisa ng Diyos sa Kanyang buhay at kalikasan at sa gayon ay inihahayag Siya—Juan 1:12-13; 3:15; 2 Ped. 1:4; 1 Cor. 6:17.
 - D. Ang isang Diyos-tao ay nabubuoan ng Diyos, tinataglay ang Diyos bilang kanyang buhay, kalikasan, at lahat-lahat; ang isang Diyos-tao ay tao gayunman ay Diyos at Diyos gayunman ay tao—Efe. 3:16-17a.
 - E. Ang pantaong pamumuhay ni Kristo ay tao na ipinamumuhay ang Diyos upang ihayag ang mga katangian ng Diyos sa mga pantaong kagalingan, na napunuan, nasamahan, at natigmakan ng mga dibinong katangian—Luc. 1:26-35; 7:11-17; 10:25-37; 19:1-10.
 - F. Bilang pagpaparami at duplikasyon ng unang Diyos-tao, dapat nating ipamuhay ang parehong uri ng buhay na Kanyang ipinamuhay:
 1. Ang Diyos-taong pamumuhay ng Panginoon ang nagtatag ng isang modelo para sa ating Diyos-taong pamumuhay—pagiging naipako sa krus upang ipamuhay ang Diyos nang sa gayon ay mahayag ang Diyos sa pagkatao—Gal. 2:20.
 2. Hindi namuhay ang Panginoong Hesus ng isang buhay na nagsisikap na maging espiritwal, banal, at matagumpay; namuhay Siya ng isang buhay na lubusang ayon sa at para sa Bagong Tipang ekonomiya ng Diyos.
 3. Sa apat na Ebanghelyo ay makikita natin si Hesus na namumuhay ng buhay ng isang Diyos-tao, at sa Mga Gawa ay makikita natin ang mga disipulo na namumuhay rin ng gayong buhay.
 4. Namuhay si Kristo ng isang buhay ng pagdurusang buhay, isang nagdurusang buhay; tayo ngayon ay ang Kanyang mga kasama na namumuhay ng parehong uri ng buhay; kapag nagdurusang buhay tayo para kay Kristo, ang ating mga pagdurusang buhay ay itinuturing ng Diyos na mga pagdurusang buhay ni Kristo—Heb. 3:14.
 5. Kailangan nating itatwa ang ating sarili, maiwangis sa kamatayan ni Kristo, at idakila Siya sa pamamagitan ng masaganang panustos ng Kanyang Espiritu—Mat. 16:24; Fil. 3:10; 1:19-21a.

6. Ang Isa na namuhay ng buhay ng isang Diyos-tao ay ang Espiritu ngayon na nabubuhay sa loob natin at sa pamamagitan natin; kailangan nating itatwa ang paglilinang sa sarili at ang pagtatayo ng ating natural na tao at hindi pahintulutan ang anumang bagay liban sa Isang ito na pumuno sa atin at umukopa sa atin nang sa gayon ay maibuhay natin Siya at maihayag Siya nang personal at sama-sama sa ekklesia, na Kanyang Katawan—Efe. 3:16-19; 1:22-23.

IV. Bilang mga mananampalataya kay Kristo, tayo ay namumuhay sa kaharian ng Diyos—Roma 14:17:

- A. Ang kaharian ng Diyos ay ang Diyos Mismo—Marc. 1:15; Mat. 6:33.
- B. Ang kaharian ng Diyos ay ang Diyos sa loob ni Kristo bilang kabuoan ng dibinong buhay kasama ang lahat ng aktibidad nito—Juan 11:25; 10:10b; 14:6.
- C. Ang kaharian ng Diyos ay ang kinasasaklawan ng dibinong buhay para kumilos, gumawa, mamuno, at mamahala ang buhay na ito nang sa gayon ay maisakatuparan ng buhay ang layunin nito.
- D. Ang kaharian ng Diyos ay isang organismong nabuoan ng buhay ng Diyos bilang kinasasaklawan ng buhay para sa Kanyang pamumuno, kung saan naghahari Siya sa pamamagitan ng Kanyang buhay at naghahayag ng Kanyang sarili bilang Dibinong Trinidad sa loob ng dibinong buhay—15:1-8, 16, 26.
- E. Ang kaharian ng Diyos ay isang kinasasaklawan, hindi lamang ng dibinong kapamahalaan bagkus ng dibinong espesye rin, kung saan naroroon ang lahat ng dibinong bagay—3:3, 5-6; 18:36:
 1. Sa Juan 3, ang kaharian ng Diyos ay mas tumutukoy sa espesye ng Diyos kaysa sa paghahari ng Diyos.
 2. Ang Diyos ay naging tao upang pumasok sa pantaong espesye, at ang tao ay nagiging Diyos sa buhay at kalikasan ngunit hindi sa pagka-Diyos upang pumasok sa kinasasaklawan ng dibinong espesye—1:1, 12-14; Roma 8:3; 1:3-4.
 3. Upang makapasok sa kinasasaklawan ng dibinong espesye, kailangan tayong maipanganak ng Diyos upang magkaroon ng dibinong buhay at ng dibinong kalikasan—Juan 1:12-13; 3:3, 5-6, 15; 2 Ped. 1:4:
 - a. Nilikha ng Diyos ang tao hindi ayon sa uri ng tao kundi sa Kanyang larawan at ayon sa Kanyang wangis upang maging uri ng Diyos, espesye ng Diyos—Gen. 1:26.
 - b. Ang mga mananampalataya, na ipinanganak ng Diyos sa pamamagitan ng pagsisilang na muli upang maging Kanyang mga anak sa Kanyang buhay at kalikasan ngunit hindi sa Kanyang pagka-Diyos, ay mas uri ng Diyos kaysa kay Adam—Juan 1:12-13:
 - (1) Si Adam ay may panlabas lamang na anyo nang walang panloob na realidad ng dibinong buhay.
 - (2) Tayo, ang mga mananampalataya kay Kristo at mga anak ng Diyos, ay may realidad ng dibinong buhay, at tayo ay tinatransporma at iwinawangis sa larawan ng Panginoon sa ating buong katauhan—2 Cor. 3:18; Roma 12:2; 8:29.
 - (3) Ang ating ikalawang kapanganakan, ang pagkasilang na muli, ay nagsanhi sa atin na makapasok sa kaharian ng Diyos upang maging espesye ng Diyos—Juan 3:3, 5-6.

- (4) Tayo ay isinilang na muli upang maging uri ng Diyos; bilang mga anak ng Diyos, tayo ay uri ng Diyos, espesye ng Diyos—Roma 8:19; Heb. 2:10.
 - (5) Ang lahat ng anak ng Diyos ay nasa dibinong kinasasaklawan ng dibinong espesye—Juan 1:12-13; 3:3, 5.
 - (6) Ang mga mananampalataya ay mga Diyos-tao sa dibinong espesye, yaon ay, sa kaharian ng Diyos—1 Juan 3:1a; Juan 3:5.
- F. Nabubuhay tayo sa kaharian ng Diyos bilang kinasasaklawan ng dibinong buhay sa pamamagitan ng pandama ng buhay—Roma 8:6.
 - G. Sa ekklesia, namumuhay tayo ngayon sa kaharian ng Diyos; ang Roma 14:17 ay isang matibay na patunay na ang kasalukuyang buhay-eklesia ay ang kaharian.
 - H. Kapag ineensayo natin ang bahaging iyon natin na siyang bagong nilikha—si Kristo Mismo bilang elemento ng kaharian ng Diyos—tayo ay namumuhay sa kaharian ng Diyos.
 - I. Mamanahin ng mga mandaraig ang kaharian ni Kristo at ng Diyos upang makapasok sila sa pagpapakita ng kaharian ng kalangitan—2 Tim. 4:18.

V. Makikita natin sa Ebanghelyo ni Juan ang maraming aspekto ng pamumuhay ng mga mananampalataya sa kinasasaklawan ng dibino ng espesye—1:16; 15:4a, 9, 11; 4:23-24; 14:2, 20, 23; 17:22-24:

- A. “Sa Kanyang kapuspusan ay tumanggap tayong lahat, at biyaya sa biyaya”—1:16.
- B. “Ang tubig na ibibigay Ko sa kanya ay magiging isang bukal ng tubig sa loob niya na babalong tungo sa buhay na walang hanggan”—4:14b.
- C. “Ang kumakain sa Akin, siya naman ay mabubuhay dahil sa Akin”—6:57b.
- D. “Kung ang sinuman ay maglilingkod sa Akin, sumunod siya sa Akin; at kung saan Ako naroroon, doroon din naman ang lingkod Ko. Kung ang sinuman ay maglilingkod sa Akin, pararangalan siya ng Ama”—12:26.
- E. “Sa bahay ng Aking Ama ay maraming tahahan...paroroon Ako upang maghanda ng lugar para sa inyo”—14:2.
- F. “Sa araw na iyon ay malalaman ninyong Ako ay nasa Aking Ama, at kayo ay nasa Akin, at Ako ay nasa inyo”—b. 20.
- G. “Kung ang sinuman ay umiibig sa Akin, tutuparin niya ang Aking salita, at iibigin siya ng Aking Ama, at Kami ay pasasakanya at gagawa ng tahanan kasama siya”—b. 23.
- H. “Manahan kayo sa Akin at Ako sa inyo”—15:4a.
- I. “Kung kayo ay mananahan sa Akin at ang mga salita Ko ay mananahan sa inyo, hingin ninyo ang anumang inyong nais, at ito ay mangyayari sa inyo”—b. 7.
- J. “Kung paanong iniibig Ako ng Ama ay iniibig Ko rin kayo; manahan kayo sa Aking pag-ibig”—b. 9.
- K. “Ang mga bagay na ito ay sinalita Ko sa inyo upang ang Aking kagalakan ay mapasainyo at upang ang inyong kagalakan ay malubos”—b. 11.
- L. “Sinalita Ko sa inyo ang mga bagay na ito upang sa Akin ay magkaroon kayo ng kapayapaan”; “Ang Aking kapayapaan ay ibinibigay Ko sa inyo”—16:33a; 14:27b.
- M. “Amang Banal, ingatan Mo sila sa Iyong pangalan, na ibinigay Mo sa Akin, upang sila ay maging isa na gaya naman Natin”—17:11b.
- N. “Ang kaluwalhatian ibinigay Mo sa Akin ay ibinigay Ko sa kanila, upang sila ay maging isa, gaya naman Natin na iisa”—b. 22.

- O. “Ako ay nasa kanila, at Ikaw ay nasa Akin, upang sila ay mapasakdal na maging isa”—
b. 23a.
- P. “Ama, tungkol sa ibinigay Mo sa Akin, nais Kong sila rin ay makasama Ko kung saan Ako
naroroon, upang makita nila ang kaluwalhatian Ko”—b. 24a.